



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

Articulus Ultimus. De reliquis, ad hunc titulum pertinentibus.

[urn:nbn:de:hbz:466:1-73058](#)

foro servandum est, quod disponit: leges autem rejicientes ab ultimis voluntibus certas conditiones nituntur exigentia boni communis, nec poenales sunt, & disponunt rejiciendas causâ boni communis; ergo.

930. Quæri potest. 4. an substitutio locum habeat, quando quis gravatus sub conditione (ut si decebat sine liberis legitimis, hereditatem cedat alteri) religiōnem ingreditur? seu an ea substitutio purificetur morte civili ipsius instituti religiōnem ingressi? Resp. Non paucos, qui non recte distinguunt inter jus, & ius, in affirmativam proruere, ex illo generali: Monachus civiliter mortuus est; civiliter autem mortuus perinde se ad effectus juris habet, ac mortuus naturaliter.

931. Verum, si, ut certum est, attendamus, quod fictio juris non operetur, nisi in casibus, ad quos ea juris dispositione porrigitur, clare apparebit, plura per ejusmodi Procuratores ex illo principio indiscriminatim inferri pro certis casibus, quæ nullo jure sustineri possunt. Nam ex illo principio: Religiosus est civiliter mortuus; quidam inepte inferebat: ergo Scholasticus Societatis non habet legitimam personam stanti in judicio nomine suo; quia id non potest Religiosus, cum sit civiliter mortuus; inepte, inquam, inferebat. Nam mors civilis dispositione juris solùm porrigitur ad eos, qui non habent proprium, seu dominium rerum temporalium in sua persona particulari, id, quod fallit in Scholasticis Societatis, prout certum est ex constit. Greg. XIII. & pluribus expusimus l. 2. tit. 1. de Judiciis.

932. Ad quaestionem in n. 930. Resp. in eo casu non esse locum substitutioni sub dicta conditione, quam diu gravatus naturaliter vivit. Nam fictio mortis jure non porrigitur ad hunc casum. Quando enim sumus in materia conditionali, mortis appellatione venit tantum mors naturalis, non Civilis. Conditio enim in hoc verificari debet in casu vero, non ficto, L. qui heredi, §. Mevius ff. de condit. & demonstr. mors autem civilis, est mors ficta & non vera. L. 1. §. fin ff. de bonorum possess. contratabil. Et ideo substitutus in casu mortis non admittitur per mortem civilem in-

stituti; ita Surdus consil. 90. per totum, & alii.

Quæri potest. 5. an, si quid disponentur sub conditione alteri onerosa (vg. ut toties pendatur Laudemium Domino directo, quories illius rei alienatio continet, præsertim, si sit grave (ut evenit in multis provinciis) an, inquam, requiratur conditionem verificari in sensu proprio & strictè sumpto? Resp. si dispositio penalitatis est, vel odiosa, & exorbitans à jure communī, vel restringens nativam libertatem hominum, non videri dubium, strictè accipiendo, juxta Reg. Odia, de Reg. juris in 6. nam ut recte dicitur L. 3. de jure Empyrt. ubi quantitas Landemii prescripta, avaritia (seu cupiditas habendi) multis laxat viam, in ejusmodi casu, latissimè accipiendi verbum alienatio, seu mutatio (Veränderung) ut Laudemium inde frequentius accipiant contra legum, & Legislatorum intentionem, magnā subditorum oppressione, sanguiniqua; de quo casu plura dedi in Tract. Theol. de jure & justitia à n. 129.

ARTICULUS ULTIMUS.

De reliquis, ad hunc titulum pertinentibus.

Cum in c. 1. b. t. dicatur, quicunque sub conditionis nomine aliquam defponaverit, & eam postea relinquere voluerit, dicimus quod conditio frangatur, & dispensatio irrefragabiliter teneat; seu, ut, exprimit Gonzalez ibid. n. 2. quicunque sub conditionis nomine aliquam defponaverit, & eam relinquere velit, in super habita conditione matrimonium subsistit, exinde nasci difficultatem, quomodo ante conditionis eventum contrahentibus non licet resilire; sed matrimonium potius, impleta conditione, irrefragabiliter tenere. Nam quod pender, non est: ut dicitur L. Is. damnum 169. §. 1. ff. de regul. iur. ex hoc enim est, quod dicitur, conditionalia nihil ponunt in esse. Unde in nuptiis sub conditione celebratis, pendente conditione, nihil actum videtur, & quidem sic, ut nec impedimentum justitiae publice in-

ex incuratur. c. unic. §. fin. de despons. im-
pub. in. 6.

Varias huic textui interpretationes
adhibent Doctores; nam aliqui notant, ibi
conditionem sumi, ut sit idem, ac modus,
qui non suspendit; alii, textum loqui de
conditione turpi, quæ rejicitur, & consen-
sum seu desponsationem facit puram: alii
demun, ibi sermonem esse de conditione
initiativâ, per quam intelligunt eam, quæ
per sui existentiam dat initium actui, qua-
lis est, contra te tecum, si te obliges ad
hoc; v.g. dandam dotem in tali quantita-
te. Nam si ea stet, ac subsistat, conditio
frangitur, hoc est, non sinit actum pen-
denter, & matrimonium irrefragabili-
ter tener; si autem non, resolutiva erit,
hoc est, resolvet actum, & causam præce-
dentem reducit ad non causam, seu u-
consensus nihil operetur.

Præter hæc not. 1. cum in r. Cūm-
st. 2. b.t. dicitur, quod quidam Diaconus
duo juris sui mancipia manumiserit
sub hac conditione, ut Monachi fierent,
ac in eodem Monasterio, in quo ipse, per-
manent; secùs, ad servitutis jugum re-
drent; cum autem eorum unus deseruo
monasterio se inter Clericos sociasset,
Chrysanthus Episcopus Spoleranus Grego-
rii Papam consuluit, quid in hoc sit
agendum? 1. quia libertas est quid tempo-
rales; ingressus religionis, spirituale; unde
videtur manumissio simoniaca. 2. quia li-
bertas non potest dari ad tempus, nec sub
conditione resolutoria, ut, si hoc fecerit,
si liber; si non? iterum sit servus. L. Mor-
tu. 15. ff. de Manumiss.

Ad hoc respondit Pontifex, ut Epi- 937.
scopus, si rem ita repererit, in easic se
exhibeat, ut nec illi monasterium defrendi
facultas sit; & manumitteris voluntas
conservata aliquâ præteriri excusatione,
non valeat. Pro cuius intelligentia not.
servum posse manumitti sub conditione,
vel modo, ut monachus fiat, ut notat Abbas
hic n. 2. nec exinde simoniam sequi; tum
quia Pontifex in dato casu non vult aliquâ
excusatione manumitteris voluntatem
præteriri; tum quia talis manumissio non
datur in compensationem ingressus; sed
potius, ut removeatur ejus obex; quia
servus debet prius manumitti, ut in mo-
nasterium admittatur, vitamque mona-
sticam profiteatur. per L. Jubemus 37. & 38.
C. de Episc. & Cleric.

Not. 2. quando dicitur, servum non 938.
posse manumitti ad tempus, intelligen-
dum de manumissione purâ; non condi-
tionata; alias in defectu conditionis non
impletæ Pontifex non jussisset voluntatem
domini non præteriri, ut, si professione
nondum emissa Monasterium defereret,
in servitutem recidat. Alterum autem
quod dicitur, non posse manumissionem
fieri sub conditione resolutoria, ex eo
dem textu negatur spectato Jure Canoni-
co. Et ex hoc patet, quomodo nec ei sit
facultas Monasterium defrendi, & se in-
ter Clericos sociandi, post professionem;
nec domini voluntas prætereunda, si
recessit à Monasterio, ante pro-
fessionem.

¶:(O):¶

